

Zeitschrift: Bündner Schulblatt = Bollettino scolastico grigione = Fegl scolastic
grischun

Band: 70 (2008)

Heft: 6: 1. Bündner Bildungstag

Rubrik: Pagina Rumanschta

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 17.11.2024

ETH-Bibliothek Zürich, E-Periodica, <https://www.e-periodica.ch>



Dus plaidis tiel vargau dalla scola

In'egliada anavos sin la scola romontscha ha bia facettas; ins savess persecutar la didactica, l'instrucziun da romontsch e ni dil tudestg, la damonda dils mieds d'instrucziun, l'integraziun da fulasters, la scolaziun dils scolasts, las conferenzas romontschas, il status giuridic, il rumantsch grischun, las structuradas e l'organisaziun, il svilup dil diember da scolars, il contex dalla scola cun la societad, cun la Baselgia, cun la politica, cun la cultura, igl image dils scolasts....

Las suadontas ponderaziuns persunalas duein buca valer sco revista historica, ein buca cumpletas, vulan semplamein dar in impuls...

MARTIN MATHIUET

Homoghenitad versus heteroghenitad

La scola romontscha ei adina stada in handicap per sligaziuns harmonisadas, sligaziuns cantunalas, sligaziuns fixadas e regladas. La structura dallas singulas scolas ei da neu en neu stada differenta; aschia hai jeu entschiet mia carriera da scolast cun gl'emprem praticum si Segnas en ina scola cumplexiva. Gl'onn sisu hai jeu cuntinuau cul secund praticum a Mustér en ina 6. classa cun 42 scolars. La stanza era talmein plena che quels davon stuevan tener giu il tgau cul scolast vulveva la tabla. Fertion ch'ei revega a Segnas in'atmosfera famigliara ed ils scolars stuevan magari era tschercar sez occupaziun ed ils gronds gidavan ils pigns vid ils quens ed autro, era ei giu Mustér disciplina militar cun organisaziun e terminaziun perfetga. Dus munds – ella medema vischnaunca! Deplorablamein ei quella heteroghenitad praticamein adina vegnida vesida sco problem ed incaps ed ins ha adina puspei empruau pruamein d'anflar la homoghenitad. Mo il mund modern (globalisau) pretenda exact quei che nus havevan – per mintg'in quei ch'el drova! En Surmir ni ell'Engiadin'Aulta ei la situaziun autra che giu Sent ni vi la Val Müstair. La politica da scola dil Grischun

– respectiv ils politichers – ha adina giu breigias da patertgar complex e diversificau.

L'influenza dalla politica

Tgei che biars politichers tratgan e tertgavan dalla scola semantifestescha adina da niev tier las elecziuns dalla regenza grischuna. Il davos sez – e quel che negin vul – mo pli bugen quel che negin – ch'ei d'occupar ell'executiva cantunala ei il schef dil departement d'educaziun. Che nus havein ussa in directur catolic e romontsch alla Scola cantunala ei ina sensaziun singulara. Tenor regla tunscheva ei mo tochen tier il correctur!

L'influenza dalla Baselgia

Che la Baselgia – e la catolica en special – ha cumbattiu ina scola obligatorica per tuts ei capeivel; savida scufflescha independenza. 1839/40 mavan ella Cadi mo ca in tierz dils affons regularme in a scola. Cu ei ha dau nuot auter che d'acceptar la scola generala han ils plevons surpriu da dar scola, presidiau ils Cusseglis scola ed influenzau decisiuns politicas suenter notas e buca adina cun mesiras fetg democraticas (repressivas). Per biars

pla romontscha

eis ei stau ina pintga sensaziun cu jeu sun vegnius elegius (sco «catolic») igl onn 1979 scolast da Trin – ina vischnaunca reformada! Si Mustér haveva ins dumandau mei el discuors da seprentar sch'jeu accepti ils principis cristians! Ed aunc adina vegn sestratg sche la scolasta astgi purtar il fazalet da tgau muslim en scola ni buc!

La scola e l'economia

Tgei che l'economia tratga dalla scola sa ins leger il meglier en in rapport d'in scolast dil 1845: «Den Leuten liegt die Viehzucht mehr am Herzen, als die Erziehung ihrer Kinder, so dass sie für ersteres Alles, für letzteres aber fast nichts tun mögen –» E cu jeu hai – avon onns – detg adina pura e mumma ch'ella hagi pli bugen ils vadials che ses affons, ei il mund staus eri in per secundas.... ed jeu havess prest piars la piazza.

Ils scolasts – las scolastas

Gie sur dils scolasts e dallas scolastas savess ins scriver cudischs; bunas e bialas historias – aber era autras. Ina cuort'aneddota; il gremi dil personal d'instrucziun (sco ei senumna modern) da nossa scola haveva decidu (tut informal) en ina pausa da buca ir a conferenza cantunala. Il collega X ch'era buca staus a pausa ha intervegniu da nossa decisiun ed fatg spitachels e ha pretendiu ch'ins repondereschi quella. Quei seigi in act da solidaritad viers ils collegas e s'audi ch'ins separticipeschi a quell'occurranza. Basta schi lunsch havevan nus buca ponderau, havein schau perschuer ed essan i a conferenza. Collega X ha muncau alla conferenza! El ha preferiu d'ir a catscha quei dil!

Rumantsch grischun en scola

Jeu seregordel aunc ch'ins ha mussau a nus els onns 80 alla conferenza da scolasts a Ruschein tgei ch'in lungatg placativ seigi e tgei intenziun ch'ins hagi cul RG; quel dueigi remplazzar ni amplificar il tudestg, vegnir duvraus sin las bancnotas, per gl'urari da viafier e posta, etc. En scola vegni quei mai e seigi era buca necessari. Per plascher dils ins ei RG oz il lungatg d'alfabetisaziun en biaras ed adina dapli scolast. Per ils auters ei igl RG en scola la catastrofa finala (Worst case) per il romontsch.

Mieds d'instrucziun

Gie, la historia dils mieds d'instrucziun romontschs empleness ina biblioteca – buca mo in cudisch! L'uiara che la Surselva catolica romontscha ha instradau l'entschatta dil 20. tschentaner encunter il Robinson ei mo ina dallas battaglias e dils

rizraz per mieds d'instrucziun. La finala ha la lavina néra gudignau encunter ils da Cuera ed il Sigisbert en Rezia ha era fatg buns survetschs decennis ora!

Che scolars romontschs han empriu tudestg cun in mied che senumna «Deutsch für Ausländer» muossa tgei ch'ils gremis responsabels grischuns tertgavan sur da nus romontschs!

E cu jeu hai proponiu da metter el niev cudisch da leger dalla 3./4. classa avon 10 onns la legenda dalla s. Barbara hals reformai oponiu taluisa che la statua dils miners (che seprenta avon tons portals da tunnels el Grischun e biars scolars san ualvess daco che quella stat leu) ei cupitgada el canaster da pupi!

Il cumbat permanent per la scola romontscha

Mintga fuera che nus lein e duvrein ei in cumbat permanent; schei drova novs mieds d'instrucziun eis ei da tulanar 20 onns, ils onns siatonta havein nus stuiu batlegiar per scolas novas els vitgs romontschs, pli baul ei stau da far giu las preits per scolettas romontschas, in sefitgem per las scolas annualas, batter per examens da recepziun per il gimnasi adattai alla situaziun, far la tgagia per vocabularis, rugar per professuras romontschas all'universitad, pretender che las scolas mercantilas scoleschien nos canzlists dil futur in andanta, insiter ch'ils placats «Achtung Schulbeginn» vegnien pendi si per romontsch, pretender, pretender... e pir ch'ins fa e pli fetg ch'ei vegn bloccau e discriminau.

